

Gvangjsih Minzcuz Bau

ganhhau: CN45-0036 B.2013 Nd.2 Ng.6 liggaueq nyaemzsaenz nienz ndwenlab ngeihloeg

广西民族报

(壮文版)

主办:广西区民语委

出版:广西民族报社

出版周期:逢星期三出版

出版期数:总第3060期

Bingznanz Yen Ok “Sam Ciu” Hawj Vwnzva Minzcuz Ndawbiengz Hoengh

平南县出“三招”繁荣民族民间文化

Gaenh bi daeuj, Bingznanz Yen cujyau aeu “sam ciu” daeuj fazcanj vwnzva minzcuz ndawbiengz, cwngz-yau yienhda.

Ciu daih’it dwg ginzcong guh bouxcawj. Bingznanz Yen doenggvaq gyadaih cwngfuj roengz ngaenz, ceng-aeu baihgwnz cihciz, fatdoengh ndawbiengz comz cien daengj cosih, gensez vwnzva cangzsoj, bangfuz vwnzyidui ndawbiengz, ciengzseiz gawjbanh vwnzyi hozdung. Dangqnaj,

daengx yienh gij vwnzyi se(duenz) gingciengz youq ndawsingz lajmbanj yienjok haenx couh miz 56 aen.

Ciu daihngieih dwg vwnzva haeuj hawciengz. 2003 nienz, Bingznanz Yen laebbaenz Bingznanz Vazyi Bauhgung Vwnzva Youjhan Gunghsw Heiq-duenz Heiqgovaiz, caemhcaiq caeuq Gvangjsih Ginhvanh Densw Yinhsieng Cuzbanjse doxgap, dawz gij heiqmoeg yienjok haenx ingguh debheiq okbanj fathengz. Heiqduenz bi yienjok

300 lai ciengzbaez. Dangqnaj, aen gunghsw neix gaenq ingguh Heiqgovaiz 235 bouh, fathengz debheiq Heiqgovaiz 200 lai fanh mbaw.

Ciu daihsam dwg cwngfuj lai fuzciz. 2011 nienz, yienh caizcwn roengzngaenz 30 lai fanh maenz yunguh daeuj guh sihszw hozdung, bi-gvaq youh demgya daengz 200 lai fanh maenz, caezcien sihszw vwnzva yinggen nem yenjgen sezsih.

(Goh Yungjcong)

SIUSIK DINJ

简讯

● Bi’gvaq, Vujmingz Yen saedyienh suiicanj cu muz dajciengx canjyez canjiez 52 ik maenz, doengzbeij demhwnj 9.6%, ciemq daengx yienh nungzyez cungjancjiez 55.5%, daih’it baez mauhgvaq 55%, ciemq nungzyez dingzlai bae; nungzminz dajciengx moix boux souhaeuj 2400 maenz, doengzbeij demhwnj 5.1%, ciemq nungzminz gij souhaeuj wng 33% doxhwnj, neix baenz diuz roen hung hawj nungz-minz demsou he. (Lij Yinzgez)

● Geij ngoenz gonq, youq 2012 Cungguek Lijyouz Binjbaiz Doigvangq(Gvangjcouh) Funghvei miz siusik ndei okdaeuj, Nanzdanh Yen ndaej heuhguh “Cungguek dieg cieq ndei guh minzcuz yenz-swnghdai lijyouz” caeuq “Cungguek dieg cieq ndei guh swngghdai youqndwi lijyouz”. (Couh Hinh)

● Duenh neix, vih hawj ranz-ranz rox dangj Cibbet Daih cing-saenz, Yinhcwnz Yen giethab gij cingzgvang dieg saujsu minzcuz comzyouq, okmoq senhconz hingz-sik, aeu “hag、gangj、ciengq” hingzsik yienq minzcuz ginzcong senhconh dangj Cibbet Daih cingsaenz, saedyienh dangj Cibbet Daih cingsaenz gangj doh caez. (Veiz Meijyangh)

● Daj haeuj seizdoeng daeuj, Denhdwngj Yen Sangyingj Yangh minzcwnghan cizgiz guh hong fat-cuengq doxgaiq gvaqdoeng, bauj ginzcong ranzhoj ndaej raeujrup gvaqdoeng. Daengz dangqnaj, aen yangh neix gungh fat denz 97 fan, riep 97 fan, ndangdaenj 975 dauq, guhsat fatcuengq cungjsoq 65% . (Vangz Lilanz)

Gih Raeuz Gofoux Minzcuz Maenhndei “Daengx Ranz Caez Angq”

我区民族精品歌舞“合家欢乐”



Bonjbauq siusik (gicej Dangz Lungz) 1 nyied 29 hauh banhaemh, youq Gvangjsih Minzcuz Cunghdwngj Conhyez Yozyau, miz ciengz vanjvei he heuhguh 《Minzcuz Doxgiet Eu Fwen Angq》 Gvangjsih Gofoux Minzcuz Maenhndei Comzyienj, gih raeuz gij gofoux minzcuz maenhndei 《Gvangjsih Minzcuz Baenz Ranz He》(gofoux)、《Cingz Mbanjcuengh》(foux Bouxcuengh)、《Go Nonbid》(go Duncuz)、《Cingz Luzswng》(gofoux Myauzcuz) daengj “doxcomz gizhaenz”, “daengx ranz caez angq”. Foux ndeiawj, fwen ndei-dingq, minzcuz fungh-cingz noengz, neix hawj bouxyawj bek-fwngz bobbob, singriu gok dangqmaz. Ndaw doz dwg gofoux byauj-yen yienhciegz.

Fuconh: Ca Ndei “Sam Daih Fuzbinz” Hawj Ginzcong Saujsu Minzcuz Souh’ik

富川: 抓好“三大扶贫”惠及少数民族群众

Bi’gvaq, Fuconh Yauzcuz Swciyen youq fuzbinz haifat seiz okmoq fuzbinz gunghcoz gihei, aeu mbanj gungzhoj guhcawj, aeu fuzbinz hanghmoeg guh baengh, aeu haifat fuzbinz cungdenj canjyez, gihcu j sezsih gensez, fuzbinz beizyin guh cungdenj, roengz cien rengz ca ndei fuzbinz haifat gunghcoz, doidoengh mbanj gungzhoj ginghei, sevei fazcanj

gig ndei, fuzbinz haifat gunghcoz aeundaej cwngzayau yienhda.

Bi’gvaq, daengx yienh caizcwn roengz cienzngaenz fuzbinz 1423.47 fanh maenz, ndawde roengz 883 fanh maenz youq mbanj gungzhoj guh gihcu j sezsih. Youq mbanj gungzhoj hwnjguh mbanj gaep goengloh 19 diuz 8.06 goengleix; coihguh giuz aen he, suiqli iq giz he; coihguh lohsa ndaw

mbanj hanghmoeg gunghcwnz 11 diuz 8.37 goengleix, bu suiinj coq goengloh mbanj gaep 33 diuz 12.94 goengleix, guh bouxvunz caeuq doih-duz gwnraemx gunghcwnz moq 5 giz, guh mieng iq moq 4 giz, guh giuz moq 4 aen. Dangqnaj gaenq guhsat lo, ciemq yinvu 100%.

(Cinz Yengiz Banh Saubinh Bwz Lingz)

Daengq Beixnuengx

小 启

Ndwencieng cuengqgyaj, geiz bauqcej 2 nyied 13 hauh mbouj ok lo. Gyoengq bouxbien bonjbauq angq hoh gyoengq beixnuengx ndwencieng angqyangz vuenyungz! Bi moq saehsah swnhsim yiengh-yiengh guhbaenz!